

կում չեմ եղել, բայց խմբագրութեան  
յայտնի է, որ այդտեղից այս տարի շա-  
տերը ինքնին յետ են ուղարկել թերթը,  
յայտնելով որ չեն համակրում:

Լրագրական ամեն մի յօդուածից հաս-  
կացվում է թէ ինչ հոգով է գրված:  
Գրականական նախադասութիւնների մու-  
րացկանութիւնը, անձնական նեղ հայհո-  
յանքներով լի պօլեմիկան, պակասութիւն-  
ներ շողօքորթոյ, ձեւի համար գրված-  
ները անհոգի են լինում միշտ եւ ան-  
կարող համակրութիւն ստեղծելու:

Իմ շնորհակալութիւնս եմ յայտնում  
մեծ ունկնդիրներին որոնք այս երկրորդ  
անգամն է որ պատվում են ինձ իւրեանց  
ներկայութեամբ մասնաւորապէս «Մշա-  
կի» մեծ խմբագրին, որ միշտ քաջալե-  
րել եւ խրախուսել է, որի թատրօնի ձրի  
մուտքը միշտ բաց է եղել ինձ համար,  
նոյնպէս շնորհակալութիւնս եմ յայտ-  
նում մեծ գնդապետ Աղէքսանդր Թով-  
մայեան Մելիք-Հայկազեանին, որի ծախ-  
սով տպագրիւց «Հայրենիքի պահանջներ»  
եւ որին ներկայ աշխատութիւնս նուի-  
րելու պատիւն ունիմ: